



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆՈՒՄԻ ԱՐԵՄՍՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



ԱՐԱՄ Ա. ԿԱԹՈՂԻԿՈՍ ԵՒ ՊԵՏՐՈՍ ՌԱՅԻ ՊԱՏՐԻԱՐԷ ՀԱՆԴԻՊՈՒՄ ՈՒՆԵՑԱՆ ԼՈՍ ԱՆՃԵԼԸՍԻ ՄԵՋ

Ն.Ս.Օ.Տ.Տ. Արամ Ա. Կաթողիկոս Շաբաթ, 15 Հոկտեմբերի առաւօտուն հանդիպում ունեցաւ Լիբանանի Մարոնի համայնքի հոգեւոր պետ Պշարա Ռահի Պատրիարքին հետ:

Վեհափառ Հայրապետը, Թեմիս բարեխնամ Առաջնորդ Բարձր. Տ. Սուշեղ Արք. Մարտիրոսեանի, Մեծի Տանն Կիլիկիոյ երեց միաբաններէն Գերշ. Տ. Եփրեմ Արք. Թապազեանի, միաբան ու հոգեւոր հայրերու ընկերակցութեամբ այցելութիւն մը տուաւ Լոս Անճելըսի մարոնիներու եկեղեցին եւ դիմաւորուեցաւ Պատրիարքին ու հոգեւոր հայրերու կողմէ: Ռահի Պատրիարքին կողքին, հանդիպումին ներկայ եղան Արեւմտեան Միացեալ Նահանգներու եւ Պրագիլիոյ մարոնիներու առաջնորդները եւ երկու հոգեւորականներ:

ՄԵկ ժամ տեսողութեամբ հանդիպումին ընթացքին, խորհրդակցութեան նիւթ եղան Լիբանանի ներքին կացութիւնը, Միջին Արեւելքի մէջ քրիստոնէաներու ներկայութեան ու ապագային կապուած հարցեր, ինչպէս նաեւ միջին արեւելեան եկեղեցիներու եւ սփիւռքի մէջ ապրող անոնց զաւակներուն յարաբերութիւնները ամրապնդելու եւ գործակցութիւնը զարգացնելու առաջադրանքները: Երկու հովուապետները շեշտեցին քրիստոնէայ եկեղեցիներուն ու համայնքներուն միասնութեան կարեւորութիւնը եւ զանոնք աւելի եւս ամրապնդելու հրամայականը: Վեհափառ Հայրապետը Ռահի Պատրիարքը տեղեակ պահեց գլխաւոր գիծերուն իր այն դասախօսութեան, զոր օր մը առաջ տուած էր ՍՄԼԱԻ մէջ, Միջին Արեւելքի մէջ քրիստոնէաներու ապագային մասին, եւ ուր անդրադարձած էր շրջանի նորագոյն իրադարձութիւններուն, երեք միաստուածեան կրօնքներու միջեւ դարաւոր գոյակցութեան ու համակեցութեան իրականութեան, զայն պահպանելու հրամայականին, ապա նաեւ քրիստոնէայ եկեղեցիներուն ու անոնց սփիւռքներուն միջեւ կապերուն ու գործակցութեան ամրապնդման անհրաժեշտութեան:

Մարոնիներու Պատրիարքը, իր կարգին, տեղեկութիւններ փոխանցեց շրջանիս մէջ իր ունեցած հանդիպումներուն ու անոնցմէ բխող եզրակացութիւններուն մասին, որոնք կ'առնչուին յատկապէս Լիբանանին ու ընդհանրապէս Միջին Արեւելքին:

Հանդիպումն ետք, հիւրընկալ ու հիւր հոգեւորականները անցան եկեղեցի, ուր միասնաբար աղօթքի պահ մը ունեցան: Այնուհետեւ, անոնք կարճատեւ հարցազրոյց մը ունեցան լրագրողներու հետ: Անոնք գնահատանքով արտայայտուեցան Քալիֆորնիոյ մէջ հայ ու մարոնի համայնքներուն գործակցութեան մասին ու քաջալերեցին, որ կապերը աւելի եւս զարգանան, գործակցութիւնը ամրապնդուի:

HIS HOLINESS ARAM I AND HIS BEATITUDE BECHARA RAI MEET IN LOS ANGELES

On the morning of Saturday, October 15, 2011, His Holiness Catholicos Aram I met with His Beatitude Bechara Rai, Patriarch of the Lebanese Maronite Church.

His Holiness arrived at Our Lady of Lebanon Maronite Church in Los Angeles accompanied by H.E. Archbishop Moushegh Mardirossian, Prelate, H.E. Archbishop Yeprem Tabakian, and clergy. They were welcomed by Patriarch Rai, Bishops of the Maronite Dioceses of Los Angeles and Brazil, and clergy members.

The discussion centered on the current goings-on in Lebanon, the situation of Christians in the Middle East, and the relationship between Churches headquartered in the Middle East with their faithful in the Diaspora. Both spiritual leaders emphasized the importance of unity between Christian Churches and strengthened ties.

His Holiness gave His Beatitude a brief synopsis of the lecture he had presented a day before at UCLA on the future of Christianity in the Middle East. Patriarch Rai spoke of the meetings he has had during his visit to the United States, which are generally related to Lebanon and the Middle East.

After the hour long meeting, a prayer service was held inside the Cathedral. A brief interview followed, during which both His Holiness and His Beatitude spoke highly of the close relations between the Armenian and Maronite communities and called for more collaboration.